

Visoki predstavnik donio Odluku kojom se štite investitori

Jucer je Visoki predstavnik, Wolfgang Petritsch, donio Odluku kojom se mijenja i dopunjuje Okvirni zakon o privatizaciji preduzeca i banaka u Bosni i Hercegovini kako bi zaštitio investitore od zahtjeva za restituciju.

Ova Odluka regulira posljedicu kombinacije dva problema, koji su odvracali potencijalne investitore jer su stvorili situaciju velike neizvjesnosti. Kao prvo, jos uvijek ne postoji zakon o restituciji na drzavnom nivou. Kao drugo, nije jasno ko su stvarno vlasnici mnogih preduzeca i banaka planiranih za privatizaciju. Posljedica toga je bila da potencijalni investitor koji je namjeravao da kupi imovinu u Bosni i Hercegovini nije znao da li bi se bivsi vlasnik mogao pojaviti i da li bi mu se dala imovina koju investitor zeli kupiti.

Sada su investitori na zakonit nacin zašticeni od takvih situacija. U izmjeni i dopuni koju je donio Visoki predstavnik se kaze da privatizacija preduzeca i banaka neće prejudicirati moguće zahtjeve za restituciju koji će se moći podnijeti u skladu sa buducim entitetskim zakonima o restituciji – ali samo ukoliko ovi zakoni o restituciji ispune sljedeća dva uslova: da isključe iz naturalne restitucije ona preduzeca i banke kao i njihovu zemlju, imovinu i zgrade, koji su u procesu privatiziranja; i da predvide da nadležni organi vlasti obezbijede pravednu nadoknadu ukoliko postoje legitimni zahtjevi za restituciju.

Buduci se donatorska finansijska sredstva smanjuju, stvaranje okruzenja pogodnog za biznis u Bosni i Hercegovini je od najvećeg znacaja. Moraju se ohrabriti kako domaća tako i

strana ulaganja kako bi Bosna i Hercegovina razvila samoodrživu privredu. Samo ukoliko bude uspješna u privlačenju investitora, Bosna i Hercegovina će doživjeti ekonomski oporavak i razvoj, stvorit će se nova radna mjesta a životni standard svih njenih građana će se poboljšati. Uslov za ovo je da investitori moraju biti u mogućnosti da sigurno ulazu u Bosni i Hercegovini.

Visoki predstavnik je duboko zabrinut zbog izostajanja ekonomske reforme u Bosni i Hercegovini i nemarnog pristupa organa vlasti.

Nacrt Okvirnog zakona o restituciji na državnom nivou, koji uključuje odredbu kojom se investitori štite na način sličan onom na koji to čini Izmjena i dopuna koju je danas donio Visoki predstavnik, je u proceduri pred Zastupničkim domom BiH već pola godine. Neizvjesno je hoće li i kada će isti biti usvojen. Zastupnički dom je nedavno odbio prijedlog za izmjenu i dopunu Okvirnog zakona o privatizaciji preduzeća i banaka u BiH u svrhu zaštite investitora, iako je Međunarodna zajednica apelirala na poslanike da usvoje predloženu izmjenu i dopunu.

Buduci da vrijeme istice, Visoki predstavnik se smatrao primoranim da donese Odluku kojom se štite investitori. Visoki predstavnik je ekonomsku reformu postavio kao jedan od svojih strateških prioriteta i odlučan je da da svoj doprinos ovom procesu u skladu sa svojim mandatom i autoritetom. Ekonomska reforma će također zauzimati istaknuto mjesto na predstojećoj konferenciji Vijeca za implementaciju mira.

Odluka Visokog predstavnika stupa na snagu danas, 12. maja 2000.god., i objavit će se u Službenim novinama BiH i oba entiteta. Visoki predstavnik je ove Odluke donio koristeći ovlasti koje su mu dodijeljene Aneksom 10 Dejtonskog mirovnog sporazuma i u skladu sa tumačenjem njegovog mandata u Zaključcima konferencije Vijeca za implementaciju mira održane u Bonu u decembru 1997.god.